

DEPORTE

BON DIA



Na Republica Dominicana

Jordy Groters di Stingray Swimming ta logra 8 medaya di oro y e titulo maximo

Den edad 11 - 12 aña



SANTO DOMINGO- Na Sto Domingo, e atleta Arubano, Jordy Groters kende ta compitiendo den 27th Invitational de los Delfines del NACO a logra un resultado historico pa su club Stingray Swimming y pa Aruba.

Jody ta landando na Santo Domingo como e unico atleta di Aruba den 350 atleta di 28 club di 10 pais, Jordy mes ta representando su club Stingray Swimming.

Mester bisa cu Jordy no a defrauda y a laga Aruba

su number mas cu graba na Santo Domingo, logrando e titulo como Campeon den e categoria 11-12 masculino cu 77 punto y ta obtene no menos cu 8 Medaya di Oro (categoria 11-12), 1 cuarto lugar (categoria Open).

Na banda cu Jordy Groters a gana ocho medaya di oro, e la kibra 6 record di competencia NACO, esakinan den 50 Breast, 100 Fly, 100 Breast (record aki tabata 25 anja bieuw), 200 Free, 50 Fly, 100 Free E recordnan di Aruba mes tampoco no a scapa

Jordy, na unda e ta logra impone 7 record arubano den e 400 IM, 50 Free, 100 Fly, 100 Breast, 200 Free, 50 Fly, 100 Free. Cu Jory Groters ta un talento grandi, esey nos tur sa, Jordy semper a demostra cu ora di competencia, e ta duna lo maximo di su mes, logrando e mihor resultadonan pa Aruba, unda cu el a competi. Cu Papa Dios por dune bida y salud y duna e guia cu un dia nos por mire competi den weganan importante manera Olimpiada, Panamericano ect.